



3 Nifae 12–16

21–27 SETEMA

E mafai faapefea ona avea a’u ma masima o le elelee?

Ilalo o le tulafono a Mose, sa tatau ona faamasima aano o manu a o lei faaogaina o se taulaga (tagai Levitiko 2:13). E faapei foi ona sa saunia e le masima le aano o manu mo se taulaga, e mafai foi ona tatou fesoasoani e tapena le lalolagi mo le Alii e ala i le avea ma “masima o le elelee” (3 Nifae 12:13).

“E faapei o le ‘masima o le lalolagi,’ o i tatou foi o le ‘malamalama o le lalolagi,’ ma e le tatau ona natia lo tatou malamalama (tagai Mataio 5:13–16).”

Peresitene Dallin H. Oaks, Fesoasoani Muamua i le Au Peresitene Sili, “Salamo ma le Suia,” *Liahona*, Nov. 2003, 40.

Aveese lona malosi e faasao ai:

E tatau ona avea i tatou o se “malamalama i le lalolagi” ma fesoasoani i isi e o mai ia Keriso. Afai tatou te le faia, e ono avea i tatou “o masima ua aveesea lona malosi e faasao ai” (Mataupu Faavae ma Feagaiga 103:9–10).

TALANOAGA

E mafai faapefea ona ou faamamaluina lelei a’u feagaiga ma le Atua? “E mafai faapefea ona avea a’u “ma masima o le elelee” ma faamanuia ai i latou o vagaia au?”

Masima o le elelee:

Pe a tatou osi feagaiga ma Iesu Keriso, tatou te folafola atu e saunia le lalolagi mo Lona Afio Mai Faalua (tagai Mataupu Faavae ma Feagaiga 34:5–7).



“Ou te tuu atu ia te outou ia avea outou ma **masima o le elelee;** ae afai e **aveesea le mai** o le masima o se a se mea a faamasima ai le elelee? O le a mai i lena taimi ona **le toe lelei,** le masima mo se mea, ae nao le lafo i fafo ma soli i lalo o vae o tagata” (3 Nifae 12:13; faaopopo le faamamafa).

Leai se mea e toe aoga i ai: O le masima ua leai sona malosi e faasao ai, e leai se mea e toe aoga i ai. O i tatou o le masima o le elelee pe a tatou ‘tutu o ni molimau a le Atua i taimi uma ma i mea uma, ma i nofoaga uma atonu [tatou te] i ai” (Mosaea 18:9).